

Supervizor za Brčko o eksploziji u dvorištu zvaničnika Vlade Distrikta

Na današnjoj redovnoj konferenciji za štampu, supervizor za Brčko, Henry L. Clarke osudio je čin nasilja od strane za sad nepoznatog počinioca, koji je na kuću šefa Odjeljenja za urbanizam Brčko Distrikta bacio eksplozivnu napravu.

“U dvorištu kuće Ismeta Dedeića, šefa Odjeljenja za urbanizam u Vladi Brčko Distrikta, desila se eksplozija u ponedjeljak uveče. Srećom, niko nije povrijeđen. Ipak, to je ozbiljno krivično djelo za koje nekoliko zakona predviđa zatvorsku kaznu od nekoliko godina. Ni u jednom civilizovanom društvu nije dozvoljena ovakva vrsta nasilja protiv bilo koga. Tražim od policije da prioritarno istraži ovaj slučaj.

Kao što ste upoznati, dana 27. 7. 2002. ostavljena je ručna bomba ispred kuće oca Ivana Krndelja, zamjenika gradonačelnika Brčko Distrikta. Ovaj opasan čin se nije desio slučajno. Tada je shvaćen kao prijetnja porodici gospodina Krndelja. Isto kao što se nasilje ne može tolerisati tako se ni prijetnja nasiljem ne može tolerisati u civilizovanom društvu, i zakonski je kažnjiva.

Već mjesecima slušam o navodnim prijetnjama silom upućenim zvaničnicima, poslovnim ljudima, čak i policajcima koji postupaju u skladu sa zakonom. Na sreću, ove prijetnje nisu sprovedene u djelo. Nažalost, mnogi poštteni građani Distrikta ne prijavljuju policiji ovakve pojave, tj. ko prijeti, kada i kako. Vjerovatno smatraju da se tajne prijetnje teško dokazuju. Međutim, kada se prijetnje javljaju po ustaljenoj šemi policijski rad može biti izuzetno efikasan.

Svako kome su upućene ovakve prijetnje treba o tome obavijestiti policiju. Mi imamo multietničke institucije za

sprovođenje zakona u Brčkom, i njima – policiji i tužilaštvu – potrebna je naša podrška i povjerenje isto kao što je i nama potrebna njihova zaštita. Kriminal, naročito organizovani kriminal, najbolje funkcioniše tamo gdje postoji strah. Zajedničkim naporima, iz Brčko Distrikta možemo ukloniti nasilje, iznuđivanje i zastrašivanje, ali da bismo to postigli moramo koristiti zakonska sredstva.”